



Broj: UV-150-01-1- 1064-9/22 ŽB
Sarajevo, 12.05 2022. godine

Na osnovu člana 70. stav (1) i (3) Zakona o javnim nabavkama (Službeni glasnik BiH, 39/14), člana 49. stav (2) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, broj: UV-122-01-1-1045-11/21 od 28. aprila 2021. godine i broj: UV-104-01-1-1425-15/21 od 29. juna 2021. godine, člana 13. stav (3) Pravilnika o javnim nabavkama, broj: UV-150-01-1-1467-3/20 od 27. jula 2020. godine, Upravno vijeće Centralne banke Bosne i Hercegovine na 4. sjednici od 29. aprila 2022. godine, donosi

O D L U K U

o izboru najpovoljnijeg ponuđača u postupku javne nabavke usluga – izrada kovanica
apoen 2 KM, 5 KM i izrada seta svih kovanica

Član 1.

(1) Centralna banka Bosne i Hercegovine (u daljnjem tekstu: Centralna banka) dodjeljuje ugovor ponuđaču The Royal Mint Limited, Ujedinjeno Kraljevstvo (u daljnjem tekstu: ponuđač), u postupku javne nabavke usluga – izrada kovanica apoen 2 KM, 5 KM i izrada seta svih kovanica.

(2) Postupak javne nabavke iz stava (1) ovog člana je proveden u skladu s Pravilnikom o postupku dodjele ugovora o uslugama iz Aneksa II Dio B Zakona o javnim nabavkama (Službeni glasnik BiH broj: 66/16).

Član 2.

(1) Ponuda ponuđača iz člana 1. ove odluke, glasi na iznos od

3,578.200,00 EUR

(slovima: trimilionapetstotinasedamdesetosamhiljadadvijestotine eura i 00/100)

(2) Zadužuje se Odjeljenje za bankarstvo Centralnog ureda Centralne banke Bosne i Hercegovine da, u skladu s uslovima iz ugovora koji će se zaključiti na osnovu Zakona o javnim nabavkama, izvrši plaćanje dobavljaču na račun koji naznači na fakturi.

Član 3.

Centralna banka će, po sticanju uslova za zaključenje ugovora na osnovu Zakona o javnim nabavkama, sa izabranim ponuđačem iz člana 1. ove odluke, zaključiti ugovor, za čije izvršenje će biti zaduženo Odjeljenje trezora Centralnog ureda Centralne banke.

Član 4.

Centralna banka će o rezultatima provedenog postupka javne nabavke obavijestiti ponuđača.

Član 5.

Za realizaciju ove odluke zadužuju se Odjeljenje za računovodstvo i finansije i Odjeljenje za javne nabavke Centralnog ureda Centralne banke.

Član 6.

Ova odluka će se objaviti na web stranici Centralne banke www.cbbh.ba istovremeno s upućivanjem ponuđaču koji je učestvovao u postupku javne nabavke, u skladu s članom 70. stav (6) Zakona o javnim nabavkama („Službeni glasnik BiH“, broj: 39/14).



O b r a z l o ž e n j e

Postupak javne nabavke usluga – izrada kovanica apoena 2 KM, 5 KM i izrada seta svih kovanica, pokrenut je Odlukom broj: 150-15-4-656-2/22 SAK, od 17. februara 2022. godine.

U skladu s članom 8. stav (1) Zakona o javnim nabavkama u Bosni i Hercegovini (Službeni glasnik BiH, 39/14) i članom 7. stav (3) i (4) Pravilnika o postupku dodjele ugovora o uslugama iz Aneksa II Dio B Zakona o javnim nabavkama (Službeni glasnik BiH, broj: 66/16), Centralna banka je, na web stranici www.cbbh.ba objavila Poziv za dostavljanje ponuda za prvu fazu – fazu pretkvalifikacije, broj: 150-15-4-656-4/22, 10. marta 2022. godine i uputila ga na tri adrese. U predviđenom roku za dostavljanje ponuda, ponuđač je dostavio ponudu za prvu fazu – fazu pretkvalifikacije.

Na osnovu preporuke nadležne komisije, Centralna banka je donijela Odluku o rezultatu pretkvalifikacije, broj: 150-15-4-656-6/22 ŽB, od 30. marta 2022. godine, kojom je ponuđač ocijenjen kvalifikovanim za učešće u drugoj fazi postupka – fazi dostavljanja početnih ponuda i pregovaranja.

Na osnovu prethodno navedene odluke, Odjeljenje za javne nabavke je izradilo Poziv za dostavljanje ponuda za drugu fazu – fazu dostavljanja početnih ponuda i pregovaranja i dostavilo ga ponuđaču, 30. marta 2022. godine.

Ponuđač je dostavio svoju ponudu, u predviđenom roku za dostavljanje ponuda.

Komisija je izvršila pregled dostavljene ponude i zaključila da je ponuđač dostavio svu traženu dokumentaciju za učešće u drugoj fazi postupka.

Pozivom za drugu fazu postupka je predviđeno održavanje pregovora s ponuđačem, elektronskom poštom, u slučaju dostavljanja tražene dokumentacije za učešće u drugoj fazi postupka.

Početna ponuda ponuđača je iznosila 3,685.550,00 EUR, dok je na pregovorima ponuđač dao popust u ukupnom iznosu od 107.350,00 EUR, tako da konačna cijena ponude iznosi 3,578.200,00 EUR.

Zapisnikom o pregledu i ocjeni ponude, broj: 149-15-4-853-7/22, od 18. aprila 2022. godine, komisija je dala preporuku kao u dispozitivu.

Pouka o pravnom lijeku:

Protiv ove odluke može se, u pisanoj formi, uložiti žalba Centralnoj banci Bosne i Hercegovine u roku od deset dana od dana dostavljanja ove odluke.

Predsjedavajući Upravnog vijeća
Centralne banke Bosne i Hercegovine

GUVERNER

dr. Senad Softić



Dostaviti:

- guverneru;
- viceguvernerima;
- sekretaru Upravnog vijeća i Uprave;
- Uredu glavnog internog revizora;
- predsjedniku komisije;
- Odjeljenju trezora;
- Odjeljenju za računovodstvo i finansije;
- Odjeljenju za bankarstvo;
- Odjeljenju za javne nabavke;
- The Royal Mint Limited, Ujedinjeno Kraljevstvo